

պատուք են, փոքունքն հրակատարք . այսպիսի է և մերձաւորն Արայի լեառն հերձեալ հրաբուխ . և վիճակն Սհաթլու որ է սահման Արմուրայ՝ ծածկեալ է հասանօք լաւայի : Այլ յոլովագոյն և հզորագոյն և հրաբուխք են 'ի Գլեանակոյտն զեզերքք ծովուն Սեւանայ՝ որ և ահեղ բաժակ մի թուի նոցին, յորոց և գետոյն որ մասամբ 'ի ծովէն ելանէ՝ առեալ թուի զանուեն հրազդան կամ հուրաստան . գլխաւորք հրաբուխքն են Ահմանկան Գանլ-Էլէւ լճական, Ա.բ. տաղ, Պորտաղ, Կալ-Թէփէ՝ յորոյ խանձաքարանց յատակեալ է մեծ մղկիթն Երևանայ . Շամիրամայ լեառնն, և համբոյն պատարեան լեռնահովիտն Գ.առ. նոյ . 'ի հարաւակողմն՝ բաժակակղերն Աբղըլայ-Սար, Գարանըգ, Ալակեօլ, Գաշ կամ Տիք-Փիլաքան, Տէ. վեկեօղ, Գըղըլ-Թէփէ, յորում և Չերմուկք են ե.ա.ա. ցեալք 120՞ ֆար . (1) . Գըղըլչօղազ . Գիլիսէլ, Տէլք. Թէփէ, և Քիւբլուրչիւ (ծծմբաւոր) յարեւելակողմն, և այլք : 'ի կողմանս Արցախոյ ևս թուին լինել հրաբուխք չե ևս քննեալք, քանզի Այծոյ-ծառ լերինն անուեն և Գանձակայ մեծ սասանուեն և կործանուեն յամին 1140, յորում և Ահարակ լերին փլանել և լիճ կաղմել՝ զոյն հաւաստեն . ընդ հրաբուխս ճանաչել և Երլանտաղը 'ի Գողթն : 'ի ընդի հայկական պարուն նշանաւոր քան զամենեւին են կրկին Մասիք, Երկղբին ևս կողպատաւոր, Երկոցուն ևս նշմարին խանձոքք, այլ ոչ որպէս զԱրաքսոն հզօրք և ընդ երկար եռացեալք . բայց հին և ահեղ զօրութիւն նոցա ծանուցաւ և յաւուրս մեր յամին 1840 (որպէս տեսցի 'ի տեղագրի աշխարհին) . 'ի հիւսիսոյ նոցին Բարդղ լեառն, և 'ի հարաւոյ հզօրն Գանտուրեկ ? որ զսահմանս Պայէղիտոյ ծածկեալ է լաւայի և ընդ կողմն Տիարիտոյ բլուրս բլուրս կուտակեալ է զսեւ խանձոցն . նոյն նշան երկի և 'ի բուն սահմանս Տիարիտոյ զաղբերակամբ Եփրատականն Արածանուոյ, ուր ասեն և ողջոյն կամուրջ մի ծծմբոյ լինել, այսինքն 'ի քարացմանէ ծծմբախառն հանքային աղբերաց : Արմուտայ բազուկ պարուս ոչ է քննեալ, գուցէ իցեն և 'ի կողմանս Պինկեօլայ հրաբուխք : 'ի ջրբաժինս Եփրատայ և Տիգրիսի՝ առ սկամբք սորա՝ ճանաչին հրաբուխ լերինք և երկիր Արդի և սահմանք Տիարուէքիբու . և նոյն ինքն քաղաքն մեծ կառուցեալ է 'ի խառնարանի հրաբուխ շիջելոյ : Սահմանք ծովուն Վանայ միւս ևս մեծ կենդրոն են հրաբուխք, յորոց մի և բարձրն Սիփան թուի շեղակուտակ ձեւովն, և 'ի մտից կուսէ լեառնն 'ի Եբրովթայ (Կեմրուս) որոյ և վերաշնչութիւն նշանակի 'ի յիշատակագրաց մերոց 400 ամօք յառաջ, և լիճք նորին ամենեցուն ծանօթք են . զհրաբուխ կերպարանս յայտ առնեն և Բաղլեոյ սահմանք, և 'ի հիւսիսոյ արեւելց՝ կողմանք Բերկոյ : Յարպատական՝ որ 'ի կանուխ Ժամանակաց ծանուցաւ Հրոյ համբարանոց լինել՝ ծառնօթագոյն է բարձրն Սաւալան 'ի հրաբուխս : 'ի լերինս Կորդուաց չե ևս են ծանուցեալ հրաբուխք,

(1) Այսինքն 120 աշտիճան կամ մասն ջերմութեան ըստ ջերմաչափին Փարենայդայ, որ է 39 մասն ջերմաչափին Ռեօմբուրայ :

այլ աներկբայ թուի գուր և 'ի նոսա, քանզի և գըտանի անդ ծծումբ :

16. Այլքանեաց և Թերեւսյոլովց ևս լերանց հրակատար վերածխութիւնք և կողպատաւ հոսանք խանձից, որք երբեմն ահեղս և սիրալի տեսարանս գործէին 'ի Հայս, վաղ ուրեմն դադարեալք են 'ի չընչելոյ, այլ ոչ իսպառ նուազեալ է ստորերկրեայ եւանդնապաշտոյ հրոյն զօրութիւն, որ և մերձ ընդ մերձ յայտնի մեծասահման և բուռն սասանութեամբք գետնոյ, մանաւանդ 'ի կողմանս Արարատայ և Երեւա նու (որպէս յամին 341 . 862 . 894 . 1319 . 1679 . 1681 . 1819 . 1827 . 1840 .) Կարնոյ, Սիւնեաց՝ (728 . 1659) Արցախոյ (1140), Վանայ և Խլաթայ, (1276 . 1441 . 1649) և Ետրպատականի, յորս մեծամեծ կենդրոնքն են հրաբուխք . և Երզնկայ՝ որ 'ի կիսոյ յԱ դարու ցեղս յԵրկն իբրև 20 անգամ յիշել մեծապէս շարժեալ և կործանեալ : — Իսկ յարատեւակ և կենդանի նշանակք հրաբուխ զօրութեանցն ջերմութեալք՝ ոչ սակաւ գտանին 'ի Հայս, 'ի Խաղտիս և 'ի Կարին (Իլիճա և Սոուգ ջերմուկ), 'ի լերինս Բամբակայ, յԱլլուրցիս, 'ի Հասանղալ, 'ի Խնուս, յԱլլատաղի, 'ի Շիրակ առ Ախուրեհիւ, 'ի Ծար յեւելց հարաւոյ Սեանայ, և 'ի միջավայր Գարապաղու, և այլ ուրեք ուրեք, որոց ջուրք 'ի հասարակի ծծմբայինք են և երկաթայինք . գոն և կարհամբ 'ի կողմանս Տիարիտու, ուր և ջրաղբերք, որպէս և 'ի Կարին : — Միւս ևս հրային զօրութեանց արգասիք ճանաչին քաջ յարեւեան սպառուած բացական սահմանաց Հայոց, 'ի Պաքու Թերակղզուջ՝ աղմսցայտ լեռնաբլուրք և անբաւութիւն մշտեւանդն աղբերաց նաւթի (191) : — Հրաբուխք Հայոց սահմանակցին ըստ հիւսիսի ընդ կողպատայնոցն, ըստ արեւմուտս ընդ Փոքուն Հայոց, ըստ արեւելս հարաւոյ յԱտրպատականէ ձգին 'ի Պարսս և անդ յանգին 'ի մեծ հրաբուխն Տէմալկնոսայ . իսկ ըստ հարաւոյ Հայոց չեն ծանուցեալ հրաբուխք :

17. ԲՈՎՔ . — 'ի բերս լերանցս և գետնոյ՝ հանդերձ վերոյիշեալ քարամբքք և աղււ, գտանին և այլ բազում աղքք քարանց, մանաւանդ պատարուն սիւնադիզակ, և խանձաքարինք թխագոյնք, կարմրանիչք, գորչք, դեղնափայլք, յորոց շատք յեկեղեցեաց Անուոյ և այլոց տեղեաց շինեալք են . և կիճ սպիտակ և խայտ, օձաքար և արդեսեան քար, Վանակն կամ Բիւրեղ քար, և այլն . Հայկաւ, Հայքար կապոյտ, պաղլեղ և բորակ ուրեք ուրեք : 'ի հրահալեւեաց երկաթ և պղինձ շատ, այլ և կապար, արծաթ և հեռք ոսկւոյ, զսանուկ, մագնիս-երկաթ, զենկ 'ի կողմանս Գանձակայ . ուր ոչ սակաւ բովք են . առաւոր են և 'ի լերինս Բամբակի 'ի Լէլվար, 'ի Խաղտիս, և 'ի Գ Հայս : Յիշատակի առ հինան և ոսկի Այրարատայ, այլ ուրն անյայտ . 'ի կողմանս Ծոփաց միայն երկին արդ հեռք ոսկւոյ . այլ 'ի հասարակի յետնեալ է քննութիւն և վատակ բովուց 'ի Հայս, և գրեալթէ ամենայն ուրեք վերակացուք բովուցն Յոյնք են 'ի վաղուց Ժամանակաց :

18. ԼԻՃՔ . — Ոչ փոքր սեփական և զուարճագեղ կերպարան ընծայեն Հայաստանեայց և լիճք իւր մեծամեծք բարձրակայք և յոլովք . յորս երեք են